

KONFIDANSYÈL
POU ITILIZASYON ENTÈN
PIBLIK APRE APWOBASYON

DOKIMAN SOU MEKANIS ENDEPANDAN POU KONSILTASYON
AK ENVESTIGASYON

MICI-BID-HA-2017-0114

**PETISYON POU PWOLONJE DELÈ SWIVI FAZ KONSILTAYON AN
PWOGRAM ENFRASTRIPKI PWODIKTIF**

**(HA-L1055, HA-L1076, HA-L1081, HA-L1091)
(2552/GR-HA, 2779/ GR-HA, 3132 / GR-HA, 3384 / GR-HA, 5390 / GR-HA)**

Dokiman sa a, se Andrea Repetto Vargas, Direktris MICI, ki te prepare l.

Dokiman sa a gen enfòmasyon konfidansyèl ki gen rapò ak youn oswa plizyè nan dis eksepsyon ki nan Politik Aksè a Enfòmasyon ki pral trete kòm konfidansyèl epi se sèlman pou anplwaye Bank la yo l ap disponib. Yo pral pibliye dokiman an epi rann li disponib pou piblik la aprè apwobasyon.

MOUN K AP EKI A: Andrea Repetto, Direktris MICI

DEMANN: MICI-BID-HA-2017-0114 konsènan Pwogram Enfrastrikti Pwodiktif la (HA-L1055, HA-L1076, HA-L1081, HA-1091)

DAT: 3 Oktòb 2023

SIJÈ: **Petisyon pou yon ekstansyon delè swivi faz konsiltasyon an - Jistifikasyon ak nouvo dat limit.**

Chè Konsèy Direktè Egzekitif yo:

Dapre paragraf 35 ak 59 Politik MICI-BID la (dokiman MI-47-8), Mwen soumèt bay Konsèy la pou anvizaje yon ekstansyon delè **12 mwa** pou swivi faz konsiltasyon pou ka MICI-BID-HA-2017-0114 la, konsènan Pwogram Enfrastrikti Pwodiktif la (HA-L1055 ak operasyon ki konsène l yo) (apre Pwogram nan). Pwochen dat limit la se jou k ap 8 desanm 2023 a. Background ak rezon ki eksplike petisyon ekstansyon sa a prezante anba a.

Background ak Rezon

Dapre paragraf 24 nan Politik MICI-BID la, objektif faz konsiltasyon an se bay gwoup moun ki fè demann lan, Jesyon Bank lan (BID), ak/oswa Ajans k ap Egzekite a (pati yo) opòtinite pou adrese pwoblèm ki soulve nan demann lan, yon fason volontè, fleksib, ak kolaboratif. Faz konsiltasyon an gen ladan twa etap ki vini youn apre lòt: evalyasyon an, pwosesis Faz Konsiltasyon an, ak Swivi a.

Chak fwa pwosesis faz konsiltasyon an debouche sou yon akò, paragraf 35 politik MICI-BID la di, lè sa aplikab, MICI ap prepare yon plan ak delè pou fè swivi ki nesèsè. Dapre paragraf ki site anwo a, tan swivi a pa pral depase senk lane, soti nan dat akò a te siyen an. Nan sa ki konsène Demann MICI-BID-HA-2017-0114 la, Pati yo te siyen akò a jou ki te 8 desanm 2018 la.

Konsènan angajman yo ki gen nan akò sa a, twa nan senk eleman prensipal li yo prèske fin aplike a 100%. Rezilta sa yo te reyalize nan mitan yon kontèks politik ak ensekirite ki konplèks, ansanm ak mezi ki pran akòz pandemi COVID-19 la, te limite depasman ak vwayaj, sa ki te vin afekte, nan diferan nivo, aplikasyon akò a. An konsekans, e lè nou konsidere nati konplèks rejim fonsye ann Ayiti, aplikasyon konpozan "opsyon tè a" pa t rive kote nou te espere a pa rapò ak aplikasyon lòt eleman prensipal akò a yo. Nan dat 15 septanm 2023 a, Ajans Egzekitif la rapòte ke aplikasyon konpozan sa a te kanpe nan 49%. Nan dat sa a, gen twa lòt aktivite ki potko aplike: fòmasyon 100 moun ki afekte pa Pwogram nan pou ta ede yo jwenn travay nan Pak Endistriyèl Karakòl la; yon evènman pou prezante enstitisyon micro-kredi; ak yon mizajou sou jesyon sosyal ak anviwònman nan pak la, ki ta dwe anndan rapò swivi MICI a.



MICI souliye ke, se akòz angajman ak fleksibilite gwoup ki te fè Demann lan, Ajans Egzekitif la, ak Jesyon BID la ki fè yo rive atenn yon nivo konsiderab nan mete sou pye aplikasyon an. Lè nou konsidere sitiyasyon konplèks ak ensètitud ki genyen ann Ayiti, Mekanis la manke kritè teknik pou asire yon ekstansyon potansyèl sou wòl swivi MICI a pwal debouche sou pi bon rezilta nan aplikasyon akò a. Nan plizyè okazyon, MICI te fè Pati yo konn pozisyon sa a klè.

An konsekans, jou ki te 21 septanm 2023, òganizasyon *Accountability Counsel* la, nan non gwoup ki te fè demann lan, te voye yon petisyon bay Mekanis la pou mande yo pwolonje delè swivi a pou yon ane anplis, epi mande MICI transmèt petisyon an bay Konsèy Direktè Egzekitif yo. Petisyon an deklare ke wòl swivi a ta dwe konsantre l sou finalize aplikasyon konpozan "Opsyon a tè", menm jan ak lòt aktivite ki mansyone pi wo a, ki pa gen anpil chans pou yo ta mete sou pye anvan 8 desanm 2023 a. Petisyon an se pwodwi konvèsasyon ant Pati yo, e jiskaprezan MICI pa t resevwa okenn objeksyon sou pwopozisyon sa a.

Etdandone kondisyon inik ki afekte peyi a, Mekanis la pa ka bay asirans ke yon ekstansyon nan kad tan suivi akò a pral nesesèman bay rezilta a 100% nan kad akonplisman angajman ki te sipoze pran yo. Kidonk, Pati yo te kapab fè pwogrè desizif kont yon seri de kompleksite miltidimansyonèl. Avèk rezèv sa yo, MICI a pa gen okenn objeksyon sou petisyon an, e MICI konsidere li apwopriye pou soumèt petisyon an bay Konsèy Direktè Egzekitif yo.

Petisyon pou yon ekstansyon nan delè a

Lè nou konsidere sa ki di anwo a, petisyon an soumèt bay Konsèy Direktè Egzekitif yo pou apwouve yon ekstansyon nan delè pwosesis faz konsiltasyon an pou yon peryòd adisyonèl ki ka rive jiska 12 mwa, ki ta dwe bout jou k ap **8 desanm 2024** la. Objektif ekstansyon sa a se pou fè swivi ak "Opsyon tè a" prensipalman epi, jan sa nesesè, evalye aktivite ki pa rive mete sou pye anvan 8 desanm 2023 a. Yon fwa ekstansyon yo mande a fini, MICI pral bay rapò final sou swivi a epi fèmen Faz konsiltasyon an. Selon sa ki tabli nan paragraf 35 Politik MICI-BID la, rapò sa a pral distribye bay Konsèy Direktè Egzekitif la yo epi l ap pibliye nan Rejis Piblik MICI a.